

Date – 12/03/2025

Time - 7:30 -7:40Hrs

REGIONAL NEWS BULLETIN

HEADLINES (MORNING)

1. Chief Minister Pu Lalduhoma'n nikum tun ang hun nen khaikhinin tun financial year kal meka leiba chu cheng vbch sang chuangin a tlahniam a ti.
2. Chief Minister Pu Lalduhoman budget thar tur chu cheng vbc 786.62-in a pung dawn a, a punna chu za zelah 5.45 a ni a ti.
3. Prime Minister Narendra Modia chu India mi zinga Mauritius-in civil mi chawimawina sang a pek hmasa ber a ni.
4. Pakistan-a Balochistan huamchhung Peshawar-Quetta inkara tlan Jaffar Express rel leh a chhunga chuang mi 450 chuangte chu helhoin an hreng.

<><><>

CM

Finance Department changtu Chief Minister Pu Lalduhoma'n tun dinhmunah Mizoram sorkarin leiba cheng vbc 12082 leh nuai 26 a nei a ti a, nikum tun ang hun nen khaikhinin tun financial year kal meka leiba chu cheng vbch sang chuangin a tlahniam tih House a hrihl.

Nimina Assembly session zawhna leh chhanna huna Siaha bialtu MLA Dr.K Beichhua zawhna chhangin, Chief Minister chuan tun dinhmuna Mizoram Sorkar-in leiba a neih zat chu cheng vbc sing 1, sang 2082 leh nuai 26 a ni tih a sawi a. Ba an neihna te chu Market Borrowings atangin cheng vbc 5871 leh nuai 41, sorkar laipui atanga loan an lak atangin cheng vbc 1774 leh nuai 36, NSSF atangin cheng vbc 102 leh nuai 82, Financial Institution leh Bank hrang hrang atangin cheng vbc 954 leh nuai 87, Public Accounts Liabilities atangin cheng vbc 3378 leh nuai 80 a ni a ti a, nikum tun ang hun nen khaikhinin 2024-25 financial kal meka Mizoram Budget Estimate aiin Revised Estimate chu cheng vbc sang 1003 leh nuai 94 in a tlem zawk tih sawiin nikum aiin tun financial year-ah leibat zat chu cheng vbc sang chuangin an tlahniam tih House a hrihl a ni.

Byte...Chief Minister on Debt Stock  
Chief Minister chuan MR bill chu lut leh chhuak reng a nih avangin engemawzat an la ba a ti a, an dawn chin chu tun financial tawp hma in an clear vek dawn tih sawiin pension pefel loh tam tak buaipuitu tur ruatin theihtawp an chhuah mek a ti a, lut leh chhuak awm reng anih avangin a vaia an pek zat sawi theih a nih loh thu a sawi bawk.

<><><>

CM

House Leader, Chief Minister Pu Lalduhoman budget thar tur chu cheng vbc 786.62-in a pung dawn a, a punna chu za zelah 5.45 a ni tih a sawi.

Nimin sessiona budget chungchang sawihonaah Pu Lalduhoma chuan a, thil thar langsar zual ber, GSDP final figure chu hriat a tlai thin avangin an estimate fuh leh fuh loh a hriat theih lova, Mizoram sorkar hmasa te chuan GSDP chu a tam thei ang berin an sawi thin a, an hisap chhin leh a tak tak chu vbc sing bi in a in tam hleih thin tih a sawi a, chu chu mipui bumna anih avangin a kaihhruai ZPM chuan tehna chi hrang hrangah an leibat zat tisang dawnin lang mahse chhiarkawp dik tak an puang thei chu an lawm hle tih a sawi a, kumin BE chu chhiarkawp awmsa ringin an siamtha hman lova, RE chu an siamtha hman a, Mizoram GSDP chu vbc sing 1, sang 4. 25 in a hniam ta dawrh tih a sawi a, tuna a dika an tih avang hian kumthar ah chuan a thang chho tawh dawn tih a sawi a ni.

Pu Lalduhoma chuan kumin April ni 1 atangin sorkar damdawiinah te cashless in an kal tawh dawn a, sorkar damdawi in zawng zawng an upgrade dawn a, doctor an mamawh a nih chuan an mamawh zat an lak belh dawn a ti.

Chief Minister chuan a kaihhruai ZPM sorkar chuan Mizoram tan theihtawp an chhuah a, an hmalakna reng reng chu sorkar insiamremna chauh nilovin mipuiten kawng dik an zawh theihna tur, moral reform a nih thu a sawi a, sem a awm ve tawh lo chu lawmawm an tih thu sawiin, mipui sorkar a pian tawh avangin bana kaih chu a taima apiangte tan a inhawng tih a sawi a, anmahniah rinna nghata thlang tlingtu Zoram mipuite tihbeidawn an tum lo tih a sawi ni.

<><><>

BUDGET DISCUSSION

Nimin Assembly rorel inkhawmah tun thla ni 4-a Finance department changtu, Chief Minister Pu Lalduhoma'n kum 2025-2026 budget a pharh tak chungchang sawiho a ni a.

Eptu hruaitu, Pu Lalchhandama Ralte chuan ZPM kaihhruai sorkar chuan financial kum kal lai 2024-25-ah sum dinhmun siamthat tumin sum inrenchem leh insawhngheh kumah puangin a loh theih lovah lo chuan sum a hmang lova, leiba te chu tlahniam viaua, sum dinhmun chu tho kang turah ngaih a nih laiin vawiina Actual an hmuah chuan kum kalta 2023-24 aiin kum 2024-25-a leiba zat tur ni awm a lang chu cheng vbc 948.5 in a pung zawk a, ZPM kaihhruai sorkar chu sum enkawl thiam tak niin a hmu lo tih a sawi a. Hei bakah hian Finance Minister-in budget estimate a siamah Revised Estimate a awm tawh chung a 2024-25 BE leh 2025-2026 BE a khaikhin chu lan mawi tumna, Zoram mipui bum tumna ni-a a ngaih thu a sawi a ni. ZPM kaihhruai sorkar chu MNF sorkar laia SEDP an hman ban cheng vbc 110 an hmanna a zawt bawk a. Mizoram sorkar chuan Revenue Deficit a neih khat hle laiin, kuminah an nei tlat chu ZPM sorkar sum hmanna a felfai lo hlea a hriat thu a sawi a ni. Kumin Education budget nuai sing 3 zeta tlahniam chu pawl a tih thu sawiin, duhsak thei hram se a duh thu a sawi bawk a ni.

Congress MLA awmchhun, Lawngtlai West bialtu, Pu C.Ngunlianchnunga chuan kumin Budget chu budget tha ni-a a hriat loh thu leh member te pawhin budget sawi an phur lo hle-a a hriat thu a sawi a, kumina Mizoram budget cheng vbc sing 1, sang 5, 198.76 chu manganthlak a tih thu sawiin, ZPM kaihhruai sorkar thar Revenue expenditure chu za zelah 83 ang vel niin, capital expenditure-ah za zelah 17 a ni a, chuta tang chuan leiba rulhna tur engemawzat a awm a, hmasawna hnathawhna atana an hman tur chu cheng vbc sang 1, 900 ang vel bawr a ni tih sawiin, Minister leh MLA te tan pawh a chhenfakawm loh hle a, an bial mi leh sa te tih lawmna tur pawh a awm lova, budget chu ram hnuk tak tak khawih siamna tur niin a lang lo a ti.

Pu Ngunlianchnunga chuan sorkarin mipuite rawng a bawlsakna tur ber, social services allocation tlahniam chu lawmawm lo a tih thu leh anmahni thlang tlingtu mipuite ngaihthahna lian takah a ngai tih a sawi a, ZPM kaihhruai sorkar chuan Revenue expenditure ti kiam zawngin hma a la lo tih sawiin, inrenchem kumah puang mahse an pawisa puk zat a sang telh telh a, year of consolidation an puan chu a tak taka hmalakna ni lovin auhla mai niin a puh bawk a ni.

BJP MLA, Siaha bialtu, Dr. K. Beichhua chuan nikuma Finance Minister-in year of consolidation a puan avanga sorkar leiba tam tak rulh a ni leh kumin 2024-25 Revised Estimate-a Mizoram leiba cheng vbc sang 1,03.94 zeta a tlahniam chu lawmawm a tih thu sawiin, public account hnuaia sorkar sum pekchhuah hmabak, K-Deposit sum tlingkhawm, GPF leh Pension benefit pek chhuah a nih theih nan leh sum inrelbawltha Mizoramin a neih theih nana Finance Minister-in theihtawp a chhuah ni-a a lan thu leh thlamuanthlak a tih thu a sawi a ni.

Hetihlai hian Mizoramin a tangkaipui em em, central scheme a tlahniam tih a sawi a, helama insawrbinga tan lak tul a tih thu a sawi a, kum 2025-2026 budget-a Motor vehicle atanga chhiah hmu an inbeisei chu 2024-25 RE nen a inang tih sawiin, lirthei a pun nasat zia enin mak a tih thu a sawi a, Health & Family Welfare-ah 2024-25 RE chu tuna BE-in a pha lo nasa tih sawiin, damdawilama inenkawltha leh hriselna kawnga hmalak lamah kut an inkuangkua deuh hlek tih zawhna a zawt a, helamah hian hmasawn a nih theih nan insawrbing deuh pawimawh a tih thu a sawi a, Economic Service Capital account disbursement-ah RE chu BE-in an phak loh em avangin thil liantham tih an tum lo ang a tih thu a sawi bawk a ni.

Pu Beichhua chuan ZPM Flagship programme, Hand holding-a cheng vbc 350 chauh dah a ni leh thlai thar leina tur lang miah lo chu kuthnathawktute tan thlamuanthlak loh a tih thu a sawi a bawk a ni.

(CORR: Maremi)

<><><>

EDUCATION MINISTER

School Education Department changtu Minister Dr Vanlalhlana'n sawrkar hmasa hunlaia dinhmun sang zawka sikul hlan kai te chu an tlin tawlkloh avangin tih danglam ani a ti a, kalpui zel dan tur zirchian mek ani tih a sawi.

He thu hi nimina Assembly thutkhawma zawhna leh chhanna hunah sawiin Minister chuan sawrkar hmasain khaw hrang hranga School a upgrade chu middle school 48 leh High School 120 ani a ti a, an tihdanglam chhan chu Provincialisation Rules dinglai dan leh dun thenkhat chu heng sikul hlan kai tak te hian an tlin tawlkloh vang ani a ti a, kalpui zel dan tur chu uluk taka zirchian mek niin Council of Minister thutkhawm huna put luh tura dah anih thu a sawi bawk.

Dr Vanlalhlana chuan tun dinhmunah Samagra Shiksha hnuaiah school thar din belh tumna a awm rih lo a ti a, tuna an neih sa thuam that leh sak kal mek muang lutuk umzui lama insawrbing turin hma an la mek tih sawiin bungraw mamawh hrang hrang chu restricted ni lovin tender pangngai chhuah hmanga lei

tur ani a ti a, Tunhmaa school lehkhabu lei anih dan titawpin SCERT kaltlanga lei a ni tawh dawn tih a sawi bawk.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.  
Vawiin chawhnu dar 2 leh a chanve-ah Chanchinthar puan leh a ni ang.

<><><>

PM

Prime Minister Narendra Modia chu India mi zinga Mauritius-in civil mi chawimawina sang a pek hmasa ber a ni. PM Modia hi nimin khan Grand Commander of the Order of the Star and Key of the Indian Ocean hlan a nih tur thu hi Mauritius PM Dr.Navinchandra Ramgolah chuan Port Louis-a Mauritius-a cheng India mi kalkhawmte hmaah a puang a ni.  
PM Modia chuan chawimawina ropui tak a dawng tur chu Mauritius mipui leh sawrkar chungah lawmthu a sawi a. Mimal chawimawina chauh anih loh thu sawiin India leh Mauritius te inzawmna ropui tak lantirna a nih thu a sawi a ni.

Nizan vek khan Prime Minister Modia leh Mauritius PM Navinchandra Ramgoolam te hian ram pahnih inkar leh khawvel thil thleng hrang hrang sawidunin an inkawm nghal a ni.  
Nimin khan Prime Minister Narendra Modia chuan Mauritius President hlui Sir Anerood Jugnauth leh Prime Minister hlui Sir Seewoosagur Ramgoolam te thlan tlawhin pangpar a dah ani.  
Vawiin hian Mauritius National Day-ah khuallian niin a hmanpui dawn a. Kum 1968-a British awpna hnuai atanga an zalenna ni March ni 12 hi kumtin Mauritius Natioal Day atan hman thin a ni.

(Newsonair)

<><><>

PAKISTAN

Pakistan-a Balochistan huamchhung Peshawar-Quetta inkara tlan Jaffar Express rel leh a chhunga chuang mi 450 chuangte chu helhoin an hreng. Khualzin phur rel hi helho hian beiin sipai paruk an kaphlum nia thudawn a ni a. Balochistan sawrkar thupuangtu Shahid Rind sawidanin rel hi Quetta atanga Peshawar pan a ni a. Helho hian a tlan lai lo beiin rel hian a kawng a zawhsual phah niin a sawi a ni.

(Newsonair)

<><><>